

Tanda positif hasil lawatan KM

Kerjasama meliputi bidang ekonomi, pelancongan dan pendidikan

UB 2.10.2019 2

BALIKPAPAN (Indonesia): Lawatan kerja pertama Ketua Menteri, Datuk Seri Panglima Haji Mohd Shafie bin Haji Apdal ke Kalimantan menunjukkan tanda-tanda positif, hubungan kerjasama ekonomi, pelancongan dan pendidikan dengan pemerintah di wilayah tersebut.

Sebaik tiba di Balikpapan pada Isnin, beliau terus mengadakan perjumpaan dengan Gabenor Kalimantan Timur, Isran Noor.

Pada pertemuan itu, mereka berbincang tentang pembangunan Kalimantan Timur serta pelan pembangunan ibu negara di kawasan itu.

Ini diikuti dengan sesi taklimat dan soal jawab antara rombongan Sabah dan wakil daripada Kalimantan Timur.

Pertemuan tersebut turut membincangkan kemung-



BINCANG: Shafie (kiri) berbincang dengan Isran Noor sempena lawatan itu.

kinan penganjuran semula Borneo Games yang terkenal suatu ketika dahulu di kepulauan Borneo.

Antara perbincangan lain ialah peranan Sabah dalam membantu membangunkan sektor pelancongan di Kalimantan Timur dengan Sabah berperanan sebagai Hub Pelancongan.

Dalam bidang pendidikan pula, Menteri Pelajaran dan Inovasi, Datuk Dr Yusof Yaacob turut menyaksikan pemeteraian Memorandum Persefahaman, (MoU) antara Universiti Malaysia Sabah, UiTM Kota Kinabalu dan SIDMA College dengan Universitas Balikpapan berkenaan program pertukaran

pelajar dan lain-lain program berkaitan.

Turut hadir dalam majlis itu ialah Naib Canselor Universiti Malaysia Sabah, Profesor Datuk Dr Taufiq Yap Yun Hin, Pengarah Kampus UiTM Kota Kinabalu, Profesor Madya Datuk Dr Haji Abdul Kadir Haji Rosline dan Pengerusi SIDMA College Profesor Dr. Morni Kambrie.

Sementara itu, Ketua Menteri turut melawat projek Lebuhraya Bertol Balikpapan-Samarinda sepanjang 99 kilometer.

Lawatan kerja tiga hari ke Kalimantan turut disertai oleh dua Timbalan Ketua Menteri, Datuk Jaujan Sambakong dan Datuk Christina Liew serta Menteri Pertanian dan Industri Makanan Datuk Junz Wong dan Setiausaha Kerajaan Negeri, Datuk Seri Panglima Hashim Pajjan.